

M/S : 32



RIZA SYUHADA Sulaiman resah mengenangkan masa depan anaknya, Keisha Zahra Kurshid Ahmed setelah permohonan status kewarganegaraan kanak-kanak itu sehingga kini masih tergantung.

Bimbang nasib anak tiada status kewarganegaraan

BALIK PULAU: Seorang wanita diselubungi kebimbangan terhadap nasib anak perempuannya yang berusia enam tahun berikutan status kewarganegaraan kanak-kanak itu sehingga kini masih tergantung.

Riza Syuhada Sulaiman, 33, yang juga ibu tunggal kepada Keisha Zahra Kurshid Ahmed kini dalam dilema mengenangkan keadaan anaknya yang bakal memulakan sesi persekolahan tahun satu.

Wanita tersebut memberitahu, dia mengambil keputusan pulang ke tanah air dari Adelaide, Australia bersama anak tunggalnya itu sebaik sahaja berpisah dengan bekas suaminya yang juga warganegara asing pada Disember 2019.

“Kami bersetuju memulakan kehidupan baharu di negara masing-masing sementara be-

kas suami kini masih menetap di negara berkenaan.

“Apa yang meresahkan saya adalah status kewarganegaraan anak yang masih tergantung setelah permohonan pendaftaran warganegara Malaysia dibuat pada 24 Disember 2019.

“Tahun depan, anak bakal memulakan sesi persekolahan tahun satu. Melihat keadaan ini, dia terpaksa mendapat pendidikan di sekolah swasta dan saya amat bimbang dengan masa depannya yang masih tiada status kewarganegaraan,” katanya ketika ditemui di sini semalam.

Dalam pada itu, Riza Syuhada yang juga pekerja swasta merayu pihak berkaitan membantunya mempercepat permohonan status warganegara Malaysia untuk anaknya demi melancarkan urusan persekolahan.